



ბ ა ნ ჩ ი ნ ე ბ ა
საქართველოს სახელით

18 აპრილი, 2011 წ.

ქ. თბილისი

თბილისის სააპელაციო სასამართლო
ადმინისტრაციულ საქმეთა პალატა

მოსამართლე – ნანა კობახიძე

აპელანტი – საქართველოს თავდაცვის სამინისტრო

მოწინააღმდეგე მხარე – ზურაბ მჭედლიშვილი

დავის საგანი – ზიანის ანაზღაურება

გასაჩივრებული გადაწყვეტილება – საგარეჯოს რაიონული სასამართლოს 2011 წლის 09 მარტის გადაწყვეტილება.

ზეპირი მოსმენის გარეშე განიხილა მოწინააღმდეგე მხარისათვის – ზურაბ მჭედლიშვილისათვის საჯარო შეტყობინების შესახებ საკითხი

ბ ა მ ო ა რ კ ვ ი ა:

საგარეჯოს რაიონული სასამართლოს 2011 წლის 09 მარტის გადაწყვეტილებით, საქართველოს თავდაცვის სამინისტროს სარჩელი, მოპასუხე – ზურაბ მჭედლიშვილის მიმართ, ზიანის ანაზღაურების თაობაზე არ დაკმაყოფილდა.

გადაწყვეტილება სააპელაციო წესით გაასაჩივრა საქართველოს თავდაცვის სამინისტრომ, რომელმაც მოითხოვა მისი გაუქმება და სარჩელის დაკმაყოფილება.

სააპელაციო სასამართლომ იმსჯელა საქმის სრულყოფილად, კანონმდებლობით დადგენილ უმოკლეს ვადაში განხილვისა და გაჭიანურების თავიდან აცილების გარემოებებზე, გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები და მიიჩნევს, რომ ვინაიდან, მხარის – ზურაბ მჭედლიშვილის ადგილსამყოფელი უცნობია და მისთვის სასამართლო უწყების ჩაბარება სხვაგვარად ვერ ხერხდება, მიზანშეწონილია ამ უკანასკნელს საქმის განხილვის დრო და ადგილი ეცნობოს საჯარო შეტყობინების გზით.

საქართველოს ადმინისტრაციული საპროცესო კოდექსის პირველი მუხლის მე-2 ნაწილის თანახმად, თუ ამ კოდექსით სხვა რამ არ არის დადგენილი

ადმინისტრაციულ სამართალწარმოებაში გამოიყენება სამოქალაქო საპროცესო კოდექსის დებულებანი.

საქართველოს სამოქალაქო საპროცესო კოდექსის 78-ე მუხლის პირველი ნაწილის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე ან ვებგვერდზე განთავსებით ან დაინტერესებული მხარის მოთხოვნის შემთხვევაში – მისივე ხარჯებით იმ გაზეთში, რომელიც მასობრივადაა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით.

ზემოაღნიშნულიდან გამომდინარე, სააპელაციო სასამართლომ გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები, მიიჩნია, რომ ვინაიდან მოწინააღმდეგე მხარის ადგილსამყოფელი უცნობია და მისთვის სასამართლო უწყების ჩაბარება სხვაგვარად ვერ ხერხდება, ზურაბ მჭედლიშვილს სასამართლო უწყების შინაარსი ეცნობოს საჯარო შეტყობინების გზით. ამასთან, სასამართლო შეტყობინება საჯაროდ განთავსდეს თბილისის სააპელაციო სასამართლოს ვებგვერდზე (www.tbappeal.court.ge).

სააპელაციო სასამართლომ იხელმძღვანელა საქართველოს ადმინისტრაციული საპროცესო კოდექსის პირველი მუხლის მე-2 ნაწილით, საქართველოს სამოქალაქო საპროცესო კოდექსის 70-ე-78-ე, 285-ე მუხლებით და

დ ა ა ღ ბ ი ნ ა:

1. ზურაბ მჭედლიშვილს საჯარო შეტყობინებით ეცნობოს, რომ საქართველოს თავდაცვის სამინისტროს სააპელაციო საჩივრის განხილვა, საგარეჯოს რაიონული სასამართლოს 2011 წლის 09 მარტის გადაწყვეტილებაზე, დანიშნულია თბილისის სააპელაციო სასამართლოში **2011 წლის 29 აპრილს ზეპირი მოსმენის გარეშე** (თბილისი, გრ. რობაქიძის გამზ. №7^ა); სასამართლო შეტყობინება საჯაროდ განთავსდეს თბილისის სააპელაციო სასამართლოს ვებგვერდზე (www.tbappeal.court.ge).
2. სასამართლო უწყება მხარისათვის ჩაბარებულად ითვლება სასამართლო შეტყობინების თბილისის სააპელაციო სასამართლოს ვებგვერდზე განთავსებიდან მე-7 დღეს.
3. განჩინება შეიძლება გასაჩივრდეს თბილისის სააპელაციო სასამართლოს მიერ მიღებულ შემაჯამებელ გადაწყვეტილებასთან ერთად, ამ უკანასკნელის გასაჩივრებისათვის დადგენილი წესით.

მოსამართლე:

ნანა კობახიძე